



# Synfocity = 543

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

2<sup>nd</sup> July, 2015

## □ Kohran hmahlir chungchanga inrawnkhawmna neih a ni

June 30, 2015 khan District Headquarters tin-ah Kohran Hmahlir chungchanga inrawnkhawmna tluang taka neih a ni. District tina kal dan chu hetiang hi a ni:

District	Kal zat
1. Aizawl	- 592
2. Kolasib	- 138
3. Champhai	- 241
4. Serchhip	- 144
5. Mamit	- 144
6. Lunglei	- 167
<b>TOTAL</b>	<b>- 1,426</b>

## □ Obituary : Rev. K. Lalhmingliana, Kum 63

Rev. K. Lalhmingliana(63) Khatla chu nimin (July 1, 2015) chawhma dar 10 vel khan Synod Hospital, Durtlangah Thisen Cancer avangin a thi a, vawiin (July 2, 2015) khan vui liam a ni.

Rev. K. Lalhmingliana hi Pu Lêta leh Pi Zathluaii te fa paruk zînga a naupang ber niin, July 16, 1952-ah Bâwngthah kuaah a piang a. Kum 1963-ah St. Paul's High School, Aizâwlah kalin Pachhûnga College-ah a zir zawm leh a, kum 1975-ah B.A. a pass. Kum 1978-ah Pi Lalthanpuii d/o Ngûrbuaia nêen an innein, fanu pakhat leh fapa pahni an nei. Kum 1973-ah sawkâr hna a thawk a, Finance Department-a Assistant hna a thawh mêk laiin hun puma Pathian rawngbâwl tûra inpein a hna hi a bânsan a. Kum 1981-ah Synod Worker i/c KTP atân lâk a ni a, he hna hi kum 1986 thleng a thawk. Kum ruk zet KTP General Secretary hna a thawh hnuah rawngbâwl na zau zâwk thawk tûra inbuatsaihin Pathian thu zir a rilrûk a. Kum 1987 khân B.D. zir tûrin Serampore College a zawm a, Serampore College-ah hian buaina eng emaw a awm avângin Bishop's College-ah insawnin kum 1990-ah B.D. chu tha takin a zo va. Hemi kum December thlengin Synod Revival Worker hna a thawk.

Kum 1979-1980 khân Bûngkâwn Bial KTP Asst. Leader a ni a, kum 1981-ah Bial KTP Leader a ni. KTP General Secretary hna a thawh lai, kum 1983-ah Kohhran Upa atân thlan a ni a, hemi kum vèk hian Chhimphei Presbytery chuan Kulikâwn Kohhran Biak Inah Khatla Kohhran Upa atân a nemnghet a ni.

Kum 1990 Synod Inkhâwmpui chuan Pro. Pastor atân a la a, Kâwnpui Pastor Bial leh Hnahthial Pastor Bial a vawng a, kum 1993 Synod Inkhâwmpui chuan Pastor atân nemnghetin Khawzâwl Vênglai Bial vawng tûrin ruat a ni. Kum 1995 Synod Inkhâwmpui chuan Karbi Anglong Mission Field Secretary atân a ruat a, term a hman zawh hnuin M.Th. zir tûra thlan a ni a, kum 1999-2001 chhûng khân UTC Bangalore-ah M.Th. Missiology a zir a, tha takin a pass a. Kum 2001- 2003 chung khan Shillong Pastor Bial vawngin kum 2004-2006 khan Administrative Secretary Barak Area hna a chelh leh a, kum 2007-2010 chung khan Aizâwl Theological College lecturer-in a awm leh a ni.

Kum 2011-2014 chung khan Chanmari Pastor Bial vawngin January 1, 2015 khan pension-in a chhuak a ni.

PCI General Assembly leh kan Synod-ah hêng committee hrang hrangah te hian a tel thîn :-

PCI-ah: Executive Committee, Theological Education Board, Mission and Evangelism Committee.

Synod-ah: Synod Executive Committee, Synod Pastoral Committee, Synod Mission Board, Synod Finance Committee, Synod Hospital Board.

Bible Society of India rawngbâwl naah pawh Shillong Auxiliary-ah Vice President a lo ni tawh. Presbytery-ah hian Moderator mawphurhna tum hnih a chelh tawh a. A pension hnu hian Missionary Training College-ah (contract-in) lecturer atan lak leh a ni a, he hna hi a thihni thlengin a thawk a ni.

Rev. K. Lalhmingliana vuina inkhawm hi vawiin (July 2, 2015) chawhnu dar 1 ah Khatla Presbyterian Kohhran Biak Inah neih a ni a, Synod Moderator Rev. Lalrinmawia'n a vui a ni. (For more Information, Please visit : [www.mizoramsynod.org](http://www.mizoramsynod.org))

## □ Zin

♦ July 4 - 5, 2015 hian Home Mission 'N' tlawh turin Rev, P.C Pachhunga E/S leh Upa Lalrinmuana SMB Coordinator te an kal ang.

♦ July 7, 2015 (Thawhlehi) hian PCI Trust Committee Meeting, Silchar-ah neih a ni dawn a, hetah hian Rev. Lalramliana Pachuau, Executive Secretary a kal ang.

## □ Synod Bookroom

Synod Bookroom chuan July 6 - 11, 2015 (Thawhtan-Inrinni) chhung hian Mizoram Synod Bookroom Branch zawng zawngah Reduction Sale puitham tak a buatsaih dawn a, Reduction Sale neih chhung hian nitin zing dar 8 atanga tlai dar 5 thleng dawr theih an ni ang. Bungrua discount rate hi 5% - 80% thleng a ni dawn a ni. Reduction Sale chhung hian lehkhabu tha tak tak te man tlawm zawkin a lei theih dawn a ni.

## □ Revival

July 3, 2015 (Zirtawp) chawhnu dar 1 ah Synod Office Committee Room No.1-ah Central YMA aiawh te nen Joint Committee an nei ang. He meeting-ah hian SRS te'na an man te tana Gospel Camping siam tur chungchang an sawiho ang.

## □ Synod-in chhawmdawl na pe

Tun hnaia harsatna hrang hrang neite hnenah Synod Relief Fund atangin chhawmdawl na hetiang hian pek an ni.

S.No	Khua	Pek chhan	Chhungkaw zat	Chhawmdawl na pek zat
1.	Suarhliap	Rethei	1	Rs. 8,000/-
2.	Vaivakawn	Rethei	2	Rs. 16,000/-
3.	Airfield Vengthar	Rethei	2	Rs. 16,000/-
4.	Airfield	Rethei	4	Rs. 32,000/-
5.	Suarhliap	Thlipui tuar	1	Rs. 5,000/-
6.	Aizawl Venglai	Ruahpui tuar	1	Rs. 4,000/-
7.	Sihphir Vengthar	Leimin tuar	1	Rs. 4,000/-
	<b>TOTAL</b>			<b>Rs. 85,000/-</b>

## □ MSSU

♦ July 7, 2015 (Thawhlehi) zanah Ramthar Veng Kohhran-ah Sunday School Zirtirtu Training neih a ni dawn a,

Contd..

hemi neihpui tur hian Upa B. Lalhmunliana, Bethlehem Venglai(MSSU Trainer) a kal ang.

❑ **Kristian Thalai**

- ◆ July 5, 2015 (Pathianni) zan hian Leader Rev. J. Lalremsiama'n Khatla North Kohhranah hun a hmang ang a, Synod Choir-in an tawiawm ang.
- ◆ Cachar Kahrawt Bial Leadership Training (July 11&12, 2015) hmanpuiin Asst. Leader Pu Samuel Laldingliana leh Pu K. Lalruatpuia (Comt. member) te an kal ang.
- ◆ July 4 - 5, 2015 hian Kanhmun Bial huapin Leadership Training neih a ni dawn a, hemi neihpui tur hian Central KTP hruaitu Dr. Lalliansanga (Asst. Secy.) leh Pu Zonunsanga Ralte (Committee Member) te an kal ang.

❑ **Campus Ministry**

July 3, 2015 hian Health Worker Training School, Kulikawn-ah hun an hmang ang a, July 7, 2015-ah Apollo Nursing School, Laipuitlang leh July 9, 2015-ah Govt Mizo High School-ah te hun an hmang ang.

❑ **Mission Board**

**Patna Mission Field harsatna a la tawp lo** : Harsatna tawhna hmun Karariya hi Patna North Bial chhung, Gopalganj Distric-a awm a ni a. June 21, 2015 (Pathianni)-a an inkhawm bang chu Bajrang Dal pawl nia inchhal tlangval 25 - 30 rualin Missionary nula tibuaiin an vau a. An In luahnate pawhin vauna an tawh nasat avangin chhuak turin an ti a. Missionary nula pawh hi hmun danga an thawhpuite in lamah a la awm ta rih a ni. Boruak a sosan lai a nih avangin tun thlengin In luah tur dang an la hmu lo va, an inkhawmna hmunah pawh inkhawm theih a ni ta rih lo a ni. Karariya Fellowship hi February 6, 2014-a hawn a ni a, hawn anih atangin ringthar baptisma chang mi 17 an awm tawh a. Craft Training Centre hi kumina hawn tan niin zirlai 6 (Kristian 2 leh Hindu 4) an awm a, heng zirlai Hindu 4 te hi July thla chhunga baptisma chantir tura buatsaih mek an ni. Ringtharte hi Bajrang Dal-te hian an vau reng avangin leh rinna kawnga naupang tak tak an nih hlawm avangin an ngaihtuahawm hle a ni. He an harsatna tawh hi a la tawp lo va, Bajrang Dal-te hian vauna thute pawh la chhak chhuakin ngun takin Missionary-te leh ringtharte an thlithlai zui reng avangin I tawngtaipui zel ang u.

❑ **Hruaina Eng FM Radio & TV Programme**

- ◆ **JULY 3, 2015 (FM ZOAWI AIZAWL @ 7:30 P.M.)**  
**Solo** : O.p.a - Tawngtaina, **Zaipawl** : TBZ Choir - Ka Rawn Inhlane, **Thuchah** : Rev. R. Lalchangliana thusawi - Zoram mamawh harhna kristian chungkua, **Solo** : C. Lalremruata - Ni ropui, **Zaipawl** : BESY Choir - Nangmahnin Eitur Pe Ru, **Band** : PAUSE - Lalpa sipai
- ◆ **JULY 3, 2015 (FM LUNGLEI @ 7:30 P.M.)**  
**Solo** : O.p.a - Tawngtaina, **Zaipawl** : TBZ Choir - Ka Rawn Inhlane, **Thuchah** : Rev. R. Lalchangliana thusawi - Zoram mamawh harhna kristian chungkua, **Solo** : C. Lalremruata - Ni ropui, **Zaipawl** : BESY Choir - Nangmahnin Eitur Pe Ru, **Band** : PAUSE - Lalpa sipai
- ◆ **JULY 5, 2015 (Tv Programme) @ 3:00 p.m.)** : **Playback** : Kohhran Hmathlir Inrawn Khawmna (Aizawl District)

❑ **Susamachar Prasaran Programme**

- ◆ **JULY 5, 2015 (Pathianni) 5:00 pm.:**  
**Group/Choir/Solo** : Zarkawt Tripuri Christian Fellowship, **Group/Choir/Solo** : The Leprosy Mission Choir - Ham Soup Te He, **Sermon** : Rev. Mohanlal Tudou - Yishu papiong Ko Bachane, **Group/Choir/Solo** : Zemabawk Bial Masihi Sangati - Jiboner Last, **Group/Choir/Solo** : Chanmari Masihi Sangati - Aaradhana

❑ **Moderator Programme**

Synod Moderator Rev.Lalrinmawia chuan tunkar tawpah hetiang hian hun a hmang ang :

- ◆ July 4, 2015 (Inrinni) Zan - Bawlte Kohhran
- ◆ July 5, 2015 (Pathianni) Chawhma - South Sabual Kohhran
- ◆ July 5, 2015 (Pathianni) Chawhnu - Bawngthah Kohhran
- ◆ July 5, 2015 (Pathianni) Zan - Darlung Kohhran

**NGENNA**

Rampum huap Kohhran History atana Document pawimawh vawnthat nei kan awm chuan Synod Archive Document atana thawhturin kan inngen a, Office-a rawn dah harsa te tan contact no. 9612587458 emaw 9436152592-ah hian hriattir theih anih chuan a lawmawm hle ang.

**Archivist  
Synod Office**

**HRIATTIRNA**

Synod buatsaih Gospel Camping chu July 7-12, 2015 chhungin Synod Revival Camping Centre-ah neih leh tur a ni a, speaker atan Upa T. Lalthlengliana, Revival Fire Team a ni ang. Camp lut duh te chu mahni Kohhran Secretary hnenah in report tur a ni. Registration Fee Rs. 100/- ken tur a ni.

**Director  
Synod Revival**

**SYNOD BOOKROOM BOOK NEWS FOR THE MONTH OF JUNE 2015**

◆ <b>Tuarna ruama tuihna</b>	Rs.100
◆ <b>Mizo Missionary Martarte</b> - By Rev C. Chawngliana	Rs. 200
◆ <b>Tleirawlte puitu</b> - By VLC Vanlalthriatrenga	Rs.150
◆ <b>Thim thuahhnhina Harhtharna thlipui Zoram khawvar</b> - F. Malsawma	Rs. 60
◆ <b>Inhniaalna tawp thei lo chu</b> - By B.T Nghinglova	Rs. 80
◆ <b>Rikrum thila inenkawl dan</b> - By R.C Lalrengpuii(Maengi)	Rs. 150
◆ <b>Ka inpuanna</b>	Rs. 50
◆ <b>Chuailo 3-na</b> - By R.L Thanmawia	Rs. 100
◆ <b>Worship &amp; Music</b> - By Darchhawna	Rs. 60
◆ <b>Rinawmin</b> - By James Dokhuma	Rs. 150
◆ <b>O Jerusalem</b> - R. Lalchhuana lehlin	Rs. 500
◆ <b>Aw Pialral</b> - C. Chhuanvawra	Rs. 80

Synod Social Front Helpline: **9089777129**;

Tuai & Patil Helpline : **8729800130**;

Students' Helpline : **9856883377**

www.MIZORAMSYNOD.ORG

Synod Information & Publicity  
Phone - 2314648

**Synfo**